

## SAŽETAK ISTRAŽIVANJA

## Dječiji glas u vremenu globalne pandemije COVID-19

### Nastavak dječijeg aktivizma u svjetlu suočavanja sa vlastitim izazovima

**91%**

djece i mladih, izjavilo je da se teško nose sa svojim negativnim emocijama, zato što se suočavaju sa mnogim iskustvima koja ih uznemiruju u ovom periodu.

Istraživanje, *Dječiji glas u vremenu COVID-19* je provedeno u martu i aprilu mjesecu 2020., kako bi se istražila razmišljanja i percepcije djece i mladih o globalnoj pandemiji COVID-19. Djeca i mladi već su se počeli mobilizirati pomoću internet platformi gdje razmjenjuju iskustva i razmjenu informacija jedni drugima pružaju podršku. Ovo istraživanje o donosi dječija razmišljanja i analizira motive za kontinuirani dječiji aktivizam u vremenu kada su suočeni s ličnim izazovima. Cilj istraživanja je bolje razumijevanje djece i mladih u ovom kriznom vremenu, kako bi znali pružiti im podršku i ohrabrenje. Nadamo se da će se rezultati istraživanja pokazati korisnim, kako drugim organizacijama usmjerenim na zaštitu i promociju dječijih prava, tako i predstavnicima vladinih institucija, sektorskim profesionalcima, roditeljima i medijima.

Saslušati djecu u kontekstu COVID-19 jedan je od načina kako World Vision ispunjava svoje opredjeljenje da djecu i mlade stavi u centar svoga rada, fokusirajući se na njihovo osnaživanje i prenošenje njihovog glasa s lokalnog na globalni nivo. World Vision će nastaviti kontinuirano tražiti mišljenja djece i mladih kako bi razumjeli njihovu stvarnost i, na temelju dobijenih informacija, informisali procese donošenja odluka.


Istraživanje je sprovedeno u 13 zemalja svijeta, u kojima World Vision implementira svoje programske aktivnosti: Bosna i Hercegovina, Albanija, Bangladeš, Brazil, Demokratska Republika Kongo, Mali, Mongolija, Nikaragva, Peru, Filipini, Rumunija, Sierra Leone, ali i sa djecom izbjeglicama iz Sirije, koja žive u izbjegličkim kampovima u blizini tursko-sirijske granice. Uprkos različitim kontekstima iz kojih dolaze, iskustva djece i mladih koja istraživanje bilježi, su veoma slična. Projekt je obuhvatio i međugeneracijsku saradnju dva odrasla istraživača i 12 mladih lidera, vršnjačkih istraživača, uzrasta, od 13 do 18 godina.

**71%**

71% djece i mladih reklo je da se osjećaju izolovano i usamljeno od kada su njihove škole zatvorene.

GRAF. 1.


Učesnici istraživanja prema polu



■ DJEČACI  
■ DJEVOJČICE

GRAF. 2.


Godine učesnika



■ GODINE 8-13  
■ GODINE 14-15  
■ GODINE 16-18

GRAF. 3.

Geografske lokacije učesnika



■ AFRIKA  
■ BLISKI ISTOK & JI EUROPA  
■ AZIJA  
■ JUŽNA AMERIKA

Prikupljeni podaci iznjedrili su tri ključne teme: (1) velika promjena načina života, (2) učiniti adekvatne korake protiv širenja COVID-19 ali ostati siguran i (3) istražiti šta dalje raditi. U svih 13 zemalja ispitanici su istakli tri važna faktora koja u velikoj mjeri mijenjaju njihove i živote njihovih vršnjaka: (a) promjene u školi, (b) emocionalne teškoće zbog socijalne i fizičke distance (c) povećanje siromaštva. Tokom intervjua, 71 posto djece i mladih izjavilo je da se osjećaju usamljeno zbog zatvaranja škole. Nadalje, istakli su da je to negativno utjecalo na njihovo učenje i svakodnevnu rutinu te povećalo osjećaj izolovanosti. Slično tome, 91 posto ispitanika izjavilo je da se teško nose sa svojim negativnim emocijama i zabrinjavajućim osjećajima, uključujući anksioznost, bijes i zabrinutost zbog nesigurnosti koliko dugo će trajati kriza i izolacija.



Uprkos ovim izazovnim osjećajima, djeca i mladi su izrazili želju da doprinesu borbi protiv širenja COVID-19 u svojim zajednicama. Izjavili su da je za njih jako važno uključiti se u podizanje svijesti o zaštiti ljudi od širenja virusa. Zbog prirode ove krize, djeca nisu mogla direktno pomoći ugroženima, te su svoje aktivnosti podizanja svijesti preusmjerili na dostupne kanale, poput online platformi. Istraživanje pokazuje da ovakve platforme mogu djeci i mladima osigurati sigurno i pogodno okruženje za druženje s vršnjacima i ostalim članovima zajednice, oblikovati pozitivno ponašanje i povećati korištenje društvenih medija u cilju društvenih promjena.

Djeca i mladi govorili su o osjećaju socijalne pravednosti, pomaganju drugima i želji da svojim glasom podrže ranjive i marginalizovane osobe. Djeca i mladi su naglasili da oni mogu igrati ključnu ulogu u podizanju svijesti o pandemiji COVID-19 i pružanju informacija ljudima, jer oni, u mnogim slučajevima imaju bolji pristup informacijama i tehnologiji nego njihovi roditelji i određeni članovi zajednice.

Rezultati studije pokazuju da postoji veliki prostor za saradnju s djecom i mladima i njihovo angažovanje u podizanju svijesti i edukaciji njihovih vršnjaka i članova zajednice. Ovo istraživanje dokazuje da se djeca i mladi žele uključiti u društvene promjene i direktne akcije, kako bi podržali svoje vršnjake i zajednice u prevazilaženju pandemije COVID-19. Ispitanici su pružili brojne preporuke agencijama fokusiranim na rad za dobrobit djece, donosiocima odluka, profesionalcima te vršnjacima da udruže snage i strategije kako bi im se osigurala podrška da poduzmu akcije o pitanjima koja su im od važnosti.

Nadamo se da će ovo istraživanje pružiti agencijama fokusiranim na rad za dobrobit djece, donositeljima odluka, profesionalcima, kolegama i kolegicama, djeci i mladima širok spektar ideja kako osigurati sigurno učešće djece i podržati mogućnosti za njihovu uključenost putem društvenih mreža tokom krize. Bolje razumijevanje i uzimanje u obzir mišljenja djece i mladih će, nadamo se, osigurati da su strategije reagovanja na COVID-19 fokusirane na dijete, osnažujuće i inkluzivne.

**Djeca i mladi su naglasili da oni mogu igrati ključnu ulogu u podizanju svijesti o pandemiji COVID-19 i pružanju informacija ljudima, jer oni, u mnogim slučajevima imaju bolji pristup informacijama i tehnologiji nego njihovi roditelji i određeni članovi zajednice.**